




3245
2363

Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 01-04-1144-1/21
Sarajevo, 29.07.2021. godine

SKUPŠTINA KANTONA SARAJEVO
n/r Elvedin Okerić, Predsjedavajući Skupštine
- o v d j e -



PREDMET: Odgovor na zastupničko pitanje, dostavlja se.-

V E Z A: Vaš akt broj: 01-04-27624-1/21 od 12.07.2021. godine

Poštovani,

Na 39. rednoj sjednici Skupštine Kantona Sarajevo, održanoj dana, 08.07.2021. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnik Hamed Aljović, postavio je slijedeće zastupničko pitanje:

„Molim Direktora Kantonalne uprave civilne zaštite da mi odgovori: Šta je sa konkursom za prijem pripravnika u KUCZ, koji je proveden, ali nikad nije realizovan. Obzirom da imam informaciju kako fali veliki broj vatrogasaca, da li će biti realizovan ovaj konkurs ili će se isti poništiti i ukoliko hoće zašto?“

ODGOVOR:

Procedura prijema 40 pripravnika u radni odnos u Kantonalnu upravu civilne zaštite Kantona Sarajevo (u daljnjem tekstu: Uprava), po Javnom oglasu za prijem pripravnika u radni odnos na period od 6 mjeseci – 25 KV Vatrogasaca i 15 KV Vatrogasca-vozača (u daljnjem tekstu: Javni oglas), a na osnovu Ugovora o sufinansiranju zapošljavanja vatrogasaca pripravnika, zaključenog između JU „Služba za zapošljavanje Kantona Sarajevo“ i Uprave, još uvijek nije okončana.

Naime, Komisija je konstatovala da tražene opće i posebne uslove po Javnom oglasu ispunjava 100 kandidata, koji su se prijavili za poziciju KV Vatrogasac pripravnik, što je utvrđeno listom kandidata koji ispunjavaju sve uvjete oglasa. U navedenoj listi upisan je i broj bodova ostvarenih na intervjuu, te broj dodatnih bodova u skladu sa članom 6. Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u



Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj 37/20). Komisija je utvrdila i listu kandidata koji ne ispunjavaju uvjete javnog oglasa, za poziciju KV Vatrogasac-pripravnik, gdje 58 kandidata ne ispunjava opće i posebne uslove tražene javnim oglasom.

Nadalje, Komisija je sačinila listu kandidata koji ispunjavaju sve uvjete oglasa za poziciju KV Vatrogasac-vozač pripravnik, te listu kandidata koji ne ispunjavaju uvjete javnog oglasa. Utvrđeno je da devet kandidata ispunjava sve opće i posebne uslove javnog oglasa, gdje je u navedenoj listi upisan broj bodova ostvarenih na intervjuu, te broj dodatnih bodova u skladu sa članom 6. Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj 37/20), te da osam kandidata ne ispunjava sve opće i posebne uslove javnog oglasa. Za devet kandidata koji su ispunjavali uslove za poziciju KV Vatrogasac-vozač pripravnik izdato je rješenje o rasporedu na radno mjesto KV Vatrogasac-vozač pripravnik, dok je za osam kandidata koji nisu ispunjavali uslove poslano obavještenje, na koje su se tri kandidata žalili Odboru državne službe za žalbe FBiH. Dana 15.04.2021. godine žalbe su proslijeđene Odboru državne službe za žalbe FBiH. Do danas nije riješen postupak po navedenim žalbama.

Sa liste kandidata koji ispunjavaju sve uvjete oglasa za poziciju KV Vatrogasac pripravnik nisu izdata rješenja o rasporedu na navedeno radno mjesto, obzirom na činjenicu da se radi o specifičnom radnom mjestu, u čijem opisu poslova su i aktivnosti kojima se zahtijeva visok stepen fizičke sposobnosti, a predmetnim Javnim oglasom nije bio predviđen uslov provjere fizičke sposobnosti kandidata.

U cilju odabira najboljih i najkvalitetnijih kandidata, bez obzira na njihovu političku i porodičnu ili neku drugu pozadinu, te otklanjanja svih potencijalnih neregularnosti i zloupotreba u postupku prijema 25 KV Vatrogasaca pripravnika u radni odnos na period od 6 mjeseci, Uprava shodno datim preporukama od strane Ureda za borbu protiv korupcije i upravljanje kvalitetom Kantona Sarajevo, koje Vam dostavljamo u prilogu ovog odgovora, traži mogućnost da se u skladu sa pozitivnim zakonskim propisima fizička provjera kandidata uvrsti kao dodatni kriterij u Javni oglas i da se njegova procedura u što kraćem roku okonča.

S poštovanjem,

Prilog:

- Preporuka za postupanje Ureda za borbu protiv korupcije i upravljanje kvalitetom, broj: 20-02-23176-8/21 od 07.07.2021. godine

Dostavljeno:

- Naslovu
- a/a



02-03-2021

17C
Ab. 8

Bosna i Hercegovina
Federacija Bosne i Hercegovine
KANTON SARAJEVO
Ured za borbu protiv korupcije i
upravljanje kvalitetom




Босна и Херцеговина
Федерација Босне и Херцеговине
КАНТОН САРАЈЕВО
Уред за борбу против корупције и
управљање квалитетом

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-02-23176-8/21
Sarajevo, 07.07.2021. godine

KANTONALNA UPRAVA CIVILNE ZAŠTITE
Fehima efendije Čurčića 1, 71000 Sarajevo
N/R direktora



PREDMET: Preporuka za postupanje, dostavlja se

Veza: Vaš akt broj: 03-30-1074-1/21 od 02.07.2021. godine

Uredu za borbu protiv korupcije i upravljanje kvalitetom Kantona Sarajevo (u daljem tekstu: Ured) dostavili ste 07.07.2021. godine, traženu Informaciju sa pratećom dokumentacijom vezanu za provođenje procedure prijema pripravnika u radni odnos na period od šest mjeseci, na osnovu Ugovora o sufinansiranju zapošljavanja vatrogasaca pripravnika, zaključenog između JU „Služba za zapošljavanje Kantona Sarajevo“ i Kantonalne uprave civilne zaštite Kantona Sarajevo, broj: 03-30-68/21.

Nakon izvršenog uvida u dostavljenu dokumentaciju Ured je konstatovao da je Komisija za sprovođenje Javnog oglasa za prijem pripravnika u radni odnos sačinila Listu kandidata koji „ispunjavaju“ sve opće i posebne uslove po Javnom oglasu za prijem pripravnika u radni odnos na period od 6 mjeseci – pozicija 1 KV Vatrogasac – pripravnik.

Iz dostavljene informacije i dokumentacije nije vidljivo po kojim kriterijima je Komisija izvršila rangiranje kandidata, da li je vršena provjera psiho-fizičke sposobnosti prijavljenih kandidata, a što je prema mišljenju Ureda bilo neophodno provesti iz razloga što konkretno radno mjesto zahtjeva visok nivo psiho-fizičke spremnosti u realizaciji poslova koji su u opisu predmetnog radnog mjesta.

Ovdje napominjemo da su Uredu poznate odredbe Zakona o namještenicima u organima državne službe u Federaciji BiH („Službene novine Federacije BiH“, broj: 49/05) koje definišu pitanja prijema namještenika u radni odnos, da isti ne predviđa ali i ne zabranjuje definisanje kriterija za prijem u radni odnos namještenika putem oglasa od strane Komisije koja isti realizuje.

Imajući u vidu ranije navedeno, Ured daje **preporuku da se izvrši dodatna provjera svih kandidata** koji se nalaze na Listi kandidata koji „ispunjavaju“ sve opće i posebne uslove po Javnom oglasu za prijem pripravnika u radni odnos u **pogledu provjere psiho-fizičke sposobnosti, te da se**



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277
Fax: + 387 (0) 33 562-217
Sarajevo, Reisa Džemaludina Čauševića 1



izvrši ponovno bodovanje svih kandidata, u skladu sa propisima koji se primjenjuju u konkretnom slučaju.

S poštovanjem,

Dostaviti:

1. Naslovu
2. a/a



SEF UREDA

[REDACTED]
Erduan Kafedžić

108/21

